

Muhyiddin Pengerusikan Mesyuarat Kedua J/kuasa Kabinet Mengenai Isu-isu Air Selangor
Bernama
2 Ogos, 2012

PUTRAJAYA, 2 Ogos (Bernama) -- Timbalan Perdana Menteri Tan Sri Muhyiddin Yassin Khamis mempengerusikan mesyuarat kedua Jawatankuasa Kabinet Mengenai Isu-isu Air Selangor di Kementerian Tenaga, Teknologi Hijau dan Air (KeTTHA) di sini.

Hadir pada mesyuarat tersebut termasuk Menteri Tenaga, Teknologi Hijau dan Air Datuk Seri Peter Chin Fah Kui, Menteri Pertanian dan Industri Asas Tani Datuk Seri Noh Omar, Menteri Wilayah Persekutuan dan Kesejahteraan Bandar Datuk Raja Nong Chik Raja Zainal Abidin, Menteri di Jabatan Perdana Menteri Datuk Seri Mohamed Nazri Abdul Aziz dan Peguam Negara Tan Sri Abdul Gani Patail.

Pada Selasa lalu, Chin berkata mesyuarat hari ini dijangka memutuskan sama ada tender Projek Loji Rawatan Air Langat 2 (Langat 2) akan dibuka kepada syarikat antarabangsa atau tempatan.

Katanya kerajaan pusat akan melaksanakan projek Langat 2 secara tender terbuka kepada semua syarikat yang berkelayakan dan semua anak syarikat kerajaan negeri Selangor dialu-alukan menyertai tender tersebut apabila diiklankan nanti.

Jawatankuasa Kabinet ini bertanggungjawab meneliti isu-isu berkaitan industri perkhidmatan bekalan air negeri Selangor, Kuala Lumpur dan Putrajaya serta menetapkan keutamaan untuk diselesaikan.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=685114>

